

დაიჯესტი

27 ნოემბერი - 3 დეკემბერი, 2021

ამერიკის შეერთებული შტატები

კოლუმბიის მთავრობას და ხუან მანუელ სანტოსს შორის დადებული სამშვიდობო ხელშეკრულების 5 წლის იუბილესთან დაკავშირებით შეერთებული შტატების სახელმწიფო დეპარტამენტმა კოლუმბიის რევოლუციური შეიარაღებული ძალები [ტერორისტული ორგანიზაციების სიიდან ამოიღო](#).

პრეზიდენტ ბაიდენის ადმინისტრაციამ 30 დეკემბერს კოლუმბიაში მოქმედი ნარკოკარტელი, „ახალი მარკეტალია“ ტერორისტული ორგანიზაციების სიაში შეიყვანა.

30 ნოემბერს, მიჩიგანის შტატში ოქსფორდის სასწავლებელზე განხორციელებული თავდასხმის შედეგად 4 მოსწავლე გარდაიცვალა. საგამოძიებო უწყებებმა 15 წლის სკოლის მოსწავლე, ითან კრამბლი დანაშაულის ადგილზე დააკავეს.

გაერთიანებული სამეფო

ნეო-ნაციტური ტერორისტული ორგანიზაცია *National Action-ის* თანადამფუძნებელი, 32 წლის ბენ რეიმონდი, ბრისტოლის სასამართლომ [ტერორისტული ორგანიზაციის წევრობაში დამნაშავედ სცნო](#).

ერაყი

29 ნოემბერს დაეშინს მიერ დიალას პროვინციაში განხორციელებულ თავდასხმას ქურთული უსაფრთხოების ძალების წევრის სიცოცხლე ემსხვერპლა.

სირია

30 ნოემბერს რაქაში ჩატარებული სპეცოპერაციის ფარგლებში [სირიის დემოკრატიულმა ძალებმა დაეშის ფასილიტატორი დააკავა.](#)

2 დეკემბერს დეირ ალ-ზორში ავტობუსზე განხორციელებულ თავდასხმას სანავთობო კომპანიის 10 თანამშრომლის სიცოცხლე ემსხვერპლა. ახალი ამბების ადგილობრივმა სააგენტო „SANA“-მ მომხდარს [ტერორისტული თავდასხმა](#) უწოდა.

ნიგერია

[ნიგერიის](#) ცენტრალურ ქალაქ ჯოსში, 29 ნოემბერს ციხეზე თავდასხმის დროს შეიარაღებულმა პირებმა 260-ზე მეტი პატიმარი გაათავისუფლეს.

ახალი ამბების სააგენტო Sahara Reporters-ის თანახმად, დაეშის დასავლეთ აფრიკის პროვინციის მებრძოლებმა ბორნოს შტატის მახლობლად, [სოფელ გუმსურიდან 2 დეკემბერს 15 ადამიანი გაიტაცეს.](#)

კონგოს დემოკრატიული რესპუბლიკა

28 ნოემბერს კონგოს დემოკრატიული რესპუბლიკის ჩრდილო-აღმოსავლეთ რეგიონში იძულებით გადაადგილებულ პირთა ბანაკზე მომხდარ თავდასხმას 20 ადამიანის სიცოცხლე ემსხვერპლა. [ადგილობრივების განცხადებით,](#) ივოს ბანაკზე მომხდარ თავდასხმაზე პასუხისმგებელი შეიარაღებული დაჯგუფება CODECO-ა.

კენია

კენიის ტერიტორიაზე [ტერორისტული თავდასხმის დაგეგმვის ბრალდებით](#), 28 ნოემბერს ირანის მოქალაქე, მოჰამად საიდ გოლაბი დააკავეს.

ავღანეთი

თალიბანის თანადამფუძნებლისა და ამჟამად ავღანეთის პრემიერ-მინისტრის, მულლაჰ მოჰამად ჰასან ახუნდის [განცხადებით](#), მისი მთავრობა „არ ჩაერევა“ სხვა ქვეყნების შიდა საქმეებში.